

Landesbibliothek Oldenburg

Digitalisierung von Drucken

**Samuelis De Cocceji, Henr. Fil. Sacræ Regiæ Majestatis
Borussicæ Magni Cancellarii, A Consiliis Sanctioribus
Status Et Rei Bellicæ, Ordinis Nigræ Aquilæ Equitis Etc.
Jus Civile Controversum Ubi ...**

Opus Ad Illustrationem Compendii Lauterbachiani ...

Cocceji, Samuel von

Lipsiæ, 1766

LIB. XXV. TIT. II. De Actione Rerum Amotarum.

urn:nbn:de:gbv:45:1-9050

Rectius ergo dicendum, Imperatorem hic mutasse jura antiqua, quæ etiam ob utiles expensas compensationem admittebant; voluit nimirum Justinianus restitui dotem uxori, ne prætextu utilium impensarum in perpetuum sua careat dote.

LIB. XXV. TIT. II.

DE

ACTIONE RERUM AMOTARUM.

Qv. *An actio rerum amotarum detur contra hæredes in solidum, an saltem, quatenus pervenit?*

Laut. pag. 458. verb. atque ad- versus &c. **R**ESP. Datur tantum, quatenus pervenit: (1) quia est ex delicto prætoriam, quæ nunquam datur contra hæredes in solidum, *L. 4. §. f. junct. L. 7. de Alienat. jud.* (2) *Per text. expr. in L. 3. C. h. ibi: non in solidum, sed quantum ad ipsos (successores) pervenit.*

OBJ. *L. 6. §. 4. ff. h. ubi hæres mulieris ex causa hac tenetur, sicut conditionis nomine ex causa furtiva: at Conditionis furtivæ nomine hæres tenetur in solidum.*

RESP. Conveniunt præstatione, de qua sola in *d. L. 6.* agitur, non duratione. Hæres ergo non tenetur in solidum, nec hætenus durat obligatio, sed tantum quatenus pervenit, & hætenus quanti plurimi tenetur; atque hinc ei tribuitur præstatio conditionis furtivæ, cui id proprium est.

LIB. XXV. TIT. III.

DE

AGNOSCENDIS ET ALENDIS
LIBERIS, VEL PARENTIBUS, VEL PATRONIS, VEL LIBERTIS.

Qv. I. *An pater teneatur alere filium statim, ex quo natus est?*

Laut. pag. 458. verb. quamprimum filius &c. **A**FFIRMATUR; quia est pars educationis, quæ statim incipit a momento natiuitatis, *pr. Inst. de F. N. G. & C. l. 1. §. 3. de Just. & Jur.*

OBJ. *L. 9. C. de Patr. pot. ubi majori trimo demum alimenta decernuntur.*

RESP.

